

# Эренлардин сес

12+

РД-дин Докъузпара район-  
дин общественно-  
политический газет  
Общественно-политическая  
газета Докузпаринского  
района РД

№52 (1138), 27-ДЕКАБРЬ, АРБЕ. 2023-ЙИС. Газетдин са экз. кымет киоскрай - 20 манат

## Алукъзавай 2024-йисаз талукъ Тебрик

Гьурметлу докъузпаравияр!

2024-лагъай Цийи йисахъ галаз алакъя-  
лу яз зи риклин сидкыдай тир чими тебрикар къа-  
була! Цийи йисан сувар чна гъамиша риклера лап  
экуь ва михьи умудар аваз къаршиламышзава.



Алукъзавай 2024-  
йис Куьн патал цийи  
къазанмишунрин, агал-  
къунрин йис, хъсанви-  
лихъ дегишвилер жедай  
ислягъвилиннимеслят-  
лувилин йис хьурай!  
Чна гъихьтин планар  
туькьуриз хъайитлани,  
проектар кылииз акъу-  
диз хъайитлани, чакай  
гъар садиз хъсандиз чи-  
звайвал, абур чи рай-  
ондин, республикадин,  
санлай къачурла, Росси-  
ядин хушбахтлувилихъ  
ва абадвилехъ галаз лап  
клевелай алакълубур я.

Алукъзавай йисуз  
чи райондин вилик акъ-  
вазнавай месэлаяр гзаф  
ава. Четин вахтарин эвер  
гунризни килиг тавуна,

чна чкадин экономика,  
яшайшидин шартлар мад-  
ни вилик тухвана кланза-  
ва. Абур, за умуд кутазва,  
чи садвал ва рейсадвал  
мягъкем хъайила, кылииз  
акъудиз жедайбур я. 2024-  
йис Куьн ва Куь багърияр  
патал агалкъунринди хьун  
заз лап риклин сидкыдай  
кланзава. Къуй кыле ту-  
хузвай къени квалыхра,  
гъиле къазвай ачух кра-  
ра Квехъ агалкъунар хьу-  
рай! Куь квалер ва гуь-  
гьулар суварин шадви-  
лерин гъиссерив ацурай!  
Цийи йис мубаракрай,  
играми районэгълияр!

Мегъамед Шамилов,  
Докъузпара район»  
МР-дин Кьил

## Кыле тухвай квалыхрин нетижаяр къадай совещание хъана

19-декабрдиз Докъузпара райондин адми-  
нистрацийдин заседанийрин залда райондин Кьил  
Мегъамед Шамилован регъбервилек кваз алай  
йисуз эхиримжиди тир совещание кыле фена.

Совещанидин кар-  
да райондин Собранидин  
председатель Агъашериф  
Агъакеримова, райондин  
Кылин заместителри,

муниципалитетдин ида-  
райрин ва отделрин ру-  
ководителри, хуьрерин  
администрацийрин кы-  
лери ва кеклифнавай кса-

ри иштиракна. Райондин  
Кыли совещанидин ишти-  
ракчияр йикъан повест-  
кадин месэлайрихъ галаз  
танишарна ва хуьрерин  
администрацийрин кы-  
леривай истемишна, лап  
мукъвал вахтара махсус  
операцита иштиракзавай  
гъар са ватанэгълидин хи-  
зандин членрин гъакъин-  
дай, аялрин къадардай си-  
ягъар куьтягъна, рекъе тун.

Повесткада акъ-  
вазнавай сифте месэладай  
жемиятдин хатасузвилей  
раойндин Кылин замести-  
тель Марат Крымов рахана.  
Ада военный къуллугъдиз  
гражданар вахт агакна  
рекъе тунин ва контракт-  
дин къуллугъдиз гъахъу-  
нин, райондин сергъятра  
таблигъат тухунин месэ-  
лайрай суьгъбетна. Адан  
гафарай, зулун армиядиз  
эвер гунин план муници-  
палитетда 99 процентдин  
кылииз акъудна. Контрак-  
тдин къуллугъдиз гъахъу-  
нин терефдай квалах да-  
вам жезва. «Докъузпара  
район» МР-дин админи-  
страцийдин къурулушдик  
квей подразделенийри ва  
идарайри кылииз акъудна-  
вай планрин гъахъ- гъисаб



гъазурунин месэладай рай-  
ондин администрацийдин  
аппаратдин руководитель  
Акиф Балакишиев рахана.

Ахпа райондин  
экономикадин отделдин  
начальник Абульфет Ба-  
лакшиева къейдна, алатай  
йисан нетижайралди чи-  
лин налогар - 53 процент-  
дин, эменнидай - 95 про-  
центдин ацурна. Лагъана  
къенин ийкъалди йисан  
план чилинни эменнидин  
налограй Авадан, Мискин-  
джа, Цийи Каракуьре,  
Усугъчай хуьрерин адми-  
нистрацийрин кылери  
ацурнава. Тарихдиз хъфи-  
звай йисан эхирралди амай  
хуьрерин администраций-  
рин кылеривайни пла-  
нар ацурна акъалтарун

истемишна. Совещанидин  
квалахда иштиракзавай  
сергъятрин къуллугъдин  
векил Энвер Агъмедова  
суьгъбетна, 2024-йисан  
сифте кылерилай сер-  
гъятрин зулуна майшиа-  
трин квалахрин вахт агал  
жезва. Ихтиярар гун патал-  
ди ва я ам цийи хъувун па-  
талди Ахцегъ поселокдин  
сергъятрин къуллугъда,  
талукъ тирвал, арза кхъена  
кланда. Совещанидин сер-  
гъятра райондин Кылин  
заместителри, муници-  
палитетдин идарайрин ру-  
ководителри, чпиз район-  
дин Кыли виликдай гайи  
теклифрин гъакъиндай  
гъахъ-гъисабарни авуна.

Шагъбала ШАГЪБАЛАЕВ

## Райондин кьил чемпиондихъ галаз гуьруьшмиш хъана

24-декабрдиз Докъузпара райондин админи-  
страцияда чи районэгъли, Мискискадин хуьрай тир бо-  
евой самбодай, панкратиондай, грепплингдай чемпи-  
он Залов Саидахъ галаз чи муниципалитетдин Кьил  
Мегъамед Шамилован гуьруьшмишвал кыле фена.



Гуьруьшда же-  
гъилрин сиясатдай, ту-  
ризмдай, спортдай отдел-  
дин начальник Имиржан  
Алискеровани иштиракна.  
Ройондин Кыли чемпион  
тебрикна ва ада къейдна,  
члехи сергъятрин акъа-  
жунра иштиракзавай куьн  
хътин къегъалри хайи ре-  
спубликадин, райондин  
твар виниз акъудзава,  
абур сейли ва машгъур ий-  
изва. Чна спортдин рекъе  
жафалу ва четин шартлара  
агалкъунар къазанмиш-  
навай квез абур муба-  
ракзава.

Къуй куь агалкъу-  
нар мадни держалубур

хъурай!-лагъана райондин кыли. Мегъамед Шамилова пагъливандин желегдин планриз итижна ва адаз «Докъузпара район» МР-дин патай Чухсагъулдин чар гана. Къейдна кланда, Саид Залов боевой самбодай Дагъу-

стандин, СКФО-дин, Россиядин чемпион я. Ада греплингдай абсолютный весовой категориярин пагъливанрин винелни гъалибвилер къазанмишна. Ам Дагъустандин, Ульяновский областдин, Поволжский Федеральный

округдин ва Россиядин СБЕ Союз ММА-дай спортдин майданра къвенкъечи чкайралала. Саид Залов Абдулманап Нурмегамедован школада вердишвилер къачузвай сухта я.

Шагъбала ШАГЪБАЛАЕВ

## Тарихдиз хъфизвай йисуз АТК-дин эхиримжи заседание

Заседанидин къвалахда Россиядин ФСБ-дин Республика Дагъустанда кардик квай сергъятрин къуллугъдин векилри, муниципалитетдин закондин ихтиярар хуъзвай органрин къуллугъчийри, АТК-дин комиссидин членри ва теклиф ганвай ксари иштиракна.



Мярекат ачухуналди, террориствилер аксина комиссидин председател, муниципалитетдин Къил Мегъамед Шамилова къейдна хъи, терроризмдин, экстремизмдин аксина серенжемар къабулун къенин йикъалди кар алай важиблу терефрикай сад яз амукъзава. Адан гафаралди, жемиятдин арада иллаки жегилирихъ галаз къвалах тухун важиблу я. Сир туш хъи, жуъреба-жуъре Яшайшидин акси къватлалра ва криминальный дестейра жегилирин гъерекатдин активвал артух я. Гъавилай экстремизмдин ва терроризмдин аксина серенжемар кыле тухун хийирлу я.

Идалай гуъгъуъни муниципалитетдин Къили заседанидин карда иштиракзавай бур йикъан къвалахдин повесткадихъ галаз танишарна. 2023-йисуз муниципалитетдин сергъятра терроризмдин идеалогидин аксина комплексный план къучуърмишунин гъаларай жемиятдин хатасузвилай муниципалитетдин Къилин замести-

тель Марат Крымова гъахъ гъисаб авуна. Райондин жегилирин арада члуру ва нагъакъ крарин аксина мягкем иммунитет арадал гъун патал «Интернет» сетдин сайтара, СМИ-да къвалах ярилувилелди тешкилнавай. Чна датлана уълкведа, республикада кыле физвай сиясатдин, яшайшидинни экономикадин ва маса процессрин мониторинг кыле тухузвай.

Къвед лагъай месэладай Россиядин МВД-дин «Ахтынский» МО-дин полицидин начальникдин везифаяр тамамарзавай Вадим Алиев рахана. Абуру Цийи йисан суварин шадвилер кыле тухунин ва халкъдин хатасузвал таъминарунин месэладиз талукъбур тир. Ада суъгъбетна, полицидин къуллугъчийри мярекатрин комплекс кыле тухунин ва жемиятдин хатасузвал таъминарунин рекъяй гуъзчивал гужлу авунвай къуллугъдин вариант кыле тухуда. НАК-дин, АТК-дин къвалахдин нетижайрикай, 2024-йисуз вилик

акъвазнавай месэлайрикай ва АТК-дин 2024-йисан къвалахдин планрикай галай галайвал Марат Крымова суъгъбетна. Абуру кылди къачуртла, миллетчивилин, диндин, расайрин векилриз къиж килигунин, абурун арада адават тухуниз талукъ месэлаяр я.


АТК-дин заседанидал Вадим Алиеван информациядихъни яб акална. Абуру РФ-дин Президентдин сечкияр тухунин ва адаз гъазурвал акулунин месэлайдиз талукъбур тир. Малум тирвал, РФ-дин Президент хягъгунин рекъяй сечкияр мартдин вацра кыле фида. И рекъяйни полицидин къуллугъчийри участокрин сечкийрин комиссийрин помещенийра общественный къайдайрал амалда, анра гуъзчивал кыле тухуда.

Вири заседанидин къвалахда иштирак авурбурун ва рахайбурун информацияр фикардиз къачуна, абуруз рекомендацияр гана, АТК-дин комиссидин членри сес гуналди, абуру къабулни авуна. Марат Крымова муниципалитетдин АТК-ди къабулнавай къарарар келна. Йикъан къвалахдин повесткада акъвазнавай агал жезвай месэла-2024 йисан сергъятра муниципалитетдин АТК-ди тухвана кланзавай къвалахдин планни фикардиз къачуна ва ам мягкемарунал гъана.

Шагъбала ШАГЪБАЛАЕВ

## ВКС-дин режимда аваз кыле феи совещанида иштиракна

И йикъара, декабрдиз Докъузпара райондин Къил Мегъамед Шамилова Республика Дагъустандин Къил Сергей Меликован регъбервилер квал кыле феи важиблу месэлайриз талукъарнавай совещанидин къвалахда иштиракна.



вай арзайриз, электроэнергидалди таъминаруниз, гъвадин шартлариз, Дагъустандин чим гудай ассоциацидин къвалахдиз талукъарнавай бур тир. Йикъан къвалахдин повестка ахцдуруналди, Сергей Меликова «Сад тир Россия» партиядин XXI лагъай съезддин къвалахдикай ни суъгъбетна.

Ам и мукъвара Москвада Къиле фенай Дагъустандин кыли а съезддал Россиядин Герой Апти Алаудинова авур рахунар къейдна. Къейдна кланда, Апти Алаудинов махсус интернациональный дестедин командир я. Ада махсус дяведин операцидин зулуна женгер тухузва. Ада къейдна, Россиядин гъалибвал мукъварив гва, амма кылин гъалибвал-им халкъдин садвилер рекъяй ава. Эхиримжи йисни зуран вахтунда СВО-да иштиракзавай аскерриз ва абурун хизанриз гуъзвай куъмекрин гъакъиндай С. Меликова суъгъбетна. Республикадин агъалийрин арзайриз жавабар гунин ва абуру гъукумри кваз къунин месэладай РД-дин Правительстводин ва Къилин Администрацидин руководителдин заместитель Рашид Акавова танишвал гана.

Адан гафаралди, алатай гъафтедиз РД-дин ЦУР-дин яшайшидин сетриз 2,6 агъзурдалай кылихъ арзаяр атанвай. Абурукай 900-лай кылихъ РД-дин Минэнергодин адресдиз талукъбур тир. Чебни эквер хкудуниз къалурнавай бур. Муниципалитетрин арада кылин чка, адет тирвал, Махачкалади къазва. 80 процент махачкалавийрин месэлаяр цихъ галаз ва электро-

энергидихъ галаз шерик жезва. Эквер тахъунин себебралди насосдин станцийринни къвалахзавач. Амай тешкилатриз килигайла, Минэкономикади ва Минтрудди арадал къвезвай месэлаяр арадай акъудун паталди къайдадик кваз къвалахзава. Хъсанбурун вадан дестеда Минприроды ва Минэнерго ава. Авай арзайриз фад гъалда жаваб гунин рекъяй Махачкала вилик ква. Ахпа Казбековский район, Цунтли район, Хасавюрт шегъер ва Стлал Сулейманан район къвезва.

Аутсейдеррин арада Гергебильский, Ногайский, Курахский района ва Кизилюрт шегъер ава. Сергей Меликова вири гъукумрин тешкилатриз арза авай месэлаяр кваз къунин ва абуру вахтунда гъялуниз эвер гана. Дагъустан энергиядалди таъминарунин гъаларикай ПАО «Россети» «Северный Кавказ»- «Дагэнергодин» филиалдин директор Мегъамедгъабиб Мухумаева суъгъбетна. Ада рахунрин эвелдай дагъустанвийривай къвалахда арадал атай къулайсузвилеривиз килигна, багъишламишун тлалабна, хиве къуна: чна амай куъруъ вахтунда вири къуватар ва ресурсар желбна, кимивилер арадай ахкъудда. 6-декабрдай республикада 181 технологидин нарушенияр арадал атана. Эквер амачиз 463 агъзур кас амукъна. Абурукай 142 агъзур кас махачкалавийяр тир. Эквер хкатуни себебарсиммер къатл хъун, замыканияр арадал атун тир. «Дагэнергодин» регъберди мад сеферда къейдна, куъгъне хъанвай ва къайдадикай хкатдай

гьалара авай региондин сетдин гьаларни фикирдиз гьана кланда.

Иллаки Махачкала шегьердин. Къенин йикъалди, къейдна кланда энергетикадин гьалар федеральный энергетикадин Министерстводихъ галаз «Россети Северный Кавказди» гуьзчивилик хуьзва. Авай месэлайриз фикир гайидалай гуьгъуьниз Сергей Меликова авай маса хъсанвилерин гьакъиндайни лагьана. Абуьр аварийный бригадайри тухузвай кваллахдиз талукьбур тир. Абуьру тлебиатдин кьулайсуз шартларизни килиг тавуна, чпин пешекар вилин буржи намуслувилелди кьилиз акъудзавайдакай лагьана. Чи региондин Энергетикадин ва Тарифрин министр Марат Шихалиева аварийрин ва эхцигунрин вахт фикирда кьуна, алава хъувуна: гзаф дуй-

шуьшра авай кимивилер хьана кланда анзавай дережадила алатнавай.

Гьа са вахтунда ада рикел хкана, 2024-2026- йисара электросетдин таъминвилер хкажун паталди РФ-дин Правительстводи 1,2 миллиард манатдин къадарда аваз пулдин такьатар чарашийдавал я. Федеральный штабди «Россети Северный Кавказ» ПАО- дихъ галаз комплексный план арадал гьанва. Сергей Меликова Дагъустандин халкъдин шаир стлал Сулейман дидедиз хъайидалай инихъ алатзавай 155 йисан юбилейдин вакъиадиз талукъ рахунарни авуна. Чехи шаирдин юбилей чи республикада еке сергьятра аваз къейд авунин рекъай теклифар гана.

Шагьбала ШАГЪБАЛАЕВ

## Цийи йисан сергьятра

### «Аскердиз - посылка» акция кьиле фена

Докъузпара райондин образованидин мектеб-диз фидалди яшда авай идарайри «Аскердиз- посылка» тгвар алай мергьяматлуvin акцида иштиракна.



Ам кьиле тухунин терефдар яз райондин культурадин управление экечлна. Аник НП «Гарах» сергьятрин отделенидин 2456 военный частни акатзавай. Къейдна кланда, вири кватнавай посылкаяр РДК-диз гьана инай абур талукъ адресатралреке твадайвал я. Акциядин кьилин мурад - чи аскерин ругьдин ва халкъдин патай къабулзавай гьиссерин ачух терефар хуьн я, махсуз операцидин зулуна кьуллугъзавай аскериз чпин кьайгъуда чун гьикл аватла, кьалурун я.

И регьимлу ва эвер гунин кардик кьуьн кутурбур, адан тереф хвейибуруз баркал-

ла! «Аскердиз - посылка» акцида иштиракзавай аялрин шадвал акуртла кезе! Сергьят хуьзвайбуру идан лайихлу тереф гьисснава. «Икл, гьар сада жувалай алакьдай, тлем акакьдай мергьяматлу кардик кьуьн кутун- шад жедай ва гьиссдай кваллах я», - лагьана райондин культурадин управленидин начальник Адем Аликулиева. Кьиле тухвай акцидин иштиракчийриз муниципалитетдин культурадин управленидин ва НП «Гарах» вч 24546-дин патай Чухсагъулдин чарар гудайвал я.

Шагьбала ШАГЪБАЛАЕВ

## Информацидинни таблигъатдин акция

### «Авазва гьахьтин пеше - Ватан хуьн!»

Тарихдиз хъфизвай йисан 16-октябрдила 15-декабрдалди Россиядин Федерацидин оборонадин Министерстводи IX лагъай Вири россиядин информацидинни таблигъатдин акция «Авазва гьахьтин пеше Ватан хуьн!» кьиле тухузва.



Кьиле тухузвай мярекатдин макъсад- дережа ва мумкинвилер авай кандидатар кьилин военный учебный заведенийрик экечлун патал ва дявдин контрактдин кьуллугъдиз гьахьун патал хабардар авун я.

Идахъ галаз алакьалу яз, 13-декабрдиз райадминистрацидин актовый залда военный комиссар Рафик Мегьамедован гуьруьшмишвал чи муниципалитетдин мектебра клелзавай аялрихъ галаз кьиле фена. Адан карда райондин образованидин управленидин начальникдин заместителар тир Ренат Агьаметова ва Ремихан Саруханова иштиракна. Гуьруьшмишвал кьиле фидайла, мектебдин аялриз военный комиссарди хабар гана, РФ-дин оборонадин Министерствода офицерар гьазурун патал клелиз экечлдай военно-учебный заведенийрин сеть ачухнава, аник 29 вуз ва 8 филиал акатзава.

Рафик Мегьамедован гафаралди, вузга клелунар вири военный пешейрай кьиле тухузва, чарасуз военный пешейрин спектрни галаз. Месела, командный, военно-инженерный, военно-медицинский ва военно-гуманитарный терефарни кваз. Къейд авуна кланда, вири военный вузга бакалавриатдин программайралди ваь, специалитетдин програм-

майралди гьазурвал тешкилнава. Икл хъайила, пешекардивай вичи хкянавай рекъай ерилу мукьуф, чирвилер къачувиз жеда.

Минобороначин вузга кьилин образованидин программайрай хьиз, юкьван пешекарвиллин программайрайни чирвилер къачуз жезва. Россиядин Минобороначин вуздик экечлун патал, жув яшамеш жезвай чкадин военный комиссариатдиз арзагун 2024 йисан 20-апрелдалди, кьилдин дуьшуьшра, 2024-йисан 1 - апрелдалди давам жеда.

Военный комиссарди суьгьбет авурдал, инженерный пешекарвилерик экечлун патал урус чалай, математикадай, физикадай (химиядай) ва информатикадай ЕГЭ-дин хьсан нетижаяр хьана кланда. «Авазва гьахьтин пеше- Ватан хуьн!»- анна гьавурда гьатдай жуьреда офицервиллин пеше хкягъунин, адан кьетленвилер чирунин вири шартлар кьалурнава. Россиядин Федерацидин Яракьлу кьуватар вичин жергейра Ватандиз кьуллугъ авунин карда чеб тешкил ийиз кланзавай гадаяр ва рушар акулал шад я. Абуьру чеб Ватандин мягькем даяхар хуьнин кардани, шак алачиз, кьалурд айвал я.

Шагьбала ШАГЪБАЛАЕВ

Приложение к постановлению территориальной избирательной комиссии Докузпаринского района от 18.12.2023г. №35\72-5

## Сообщение территориальной избирательной комиссии Докузпаринского района

Руководствуясь пунктами 12 и 14 Порядка формирования резерва составов участковых комиссий и назначения ново-

го члена участковой комиссии из резерва составов участковых комиссий, утвержденного постановлением Центральной

 **ВНИМАНИЕ!**  
**телефонные**  
**МОШЕННИКИ**  
**ВЫ ПОЛУЧИЛИ СМС?**  
**ПОЛИЦИЯ ПРЕДУПРЕЖДАЕТ!**  
**ПРОЯВЛЯЙТЕ БДИТЕЛЬНОСТЬ! НЕ ОТВЕЧАЙТЕ!**

